

## ANUNCIO

De acordo co artigo 9 da Lei 38/2003, de 17 de novembro, Xeral de Subvencións dase publicidade ás bases que rexerán no procedemento de concorrencia competitiva para a concesión de subvencións destinadas a deportistas individuais da provincia de Lugo na anualidade 2010 e o seu modelo de solicitude aprobadas por acordo da Xunta de Goberno da Excm. Deputación Provincial de Lugo na súa sesión do día 7 de maio de 2010:

### **CONVOCATORIA E BASES DA ÁREA DE CULTURA E DEPORTE DA DEPUTACIÓN DE LUGO QUE REXERÁN A OFERTA DE BOLSAS PARA DEPORTISTAS INDIVIDUAIS DA PROVINCIA DE LUGO NA ANUALIDADE 2010**

A Área de Cultura e Deporte da Deputación de Lugo, é o órgano da Administración provincial que ten atribuídas as competencias en materia de Deporte.

Para impulsar a práctica deportiva, a Vicepresidencia Primeira da Deputación, a través da Área de Deportes e Cultura, convoca bolsas para a promoción e difusión do deporte, sendo consciente das dificultades que teñen moitos deportistas - especialmente nas etapas de iniciación e de continuidade - para progresar na súa formación integral. Do mesmo xeito, estas axudas van dirixidas tamén aos deportistas en activo dedicados á investigación deportiva.

É polo que, será necesario establecer as bases reguladoras da concesión destas bolsas, de conformidade co disposto na Lei 38/2003 do 17 de novembro, Xeral de Subvencións, e na Lei 9/2007 de 13 de xuño, de Subvencións de Galicia.

Por todo isto,

## EXPOÑO

### **PRIMEIRO.- OBXECTO E FINALIDADE.**

Por medio destas bases establécense os criterios reguladores para proceder á convocatoria do Programa de bolsas para deportistas individuais da provincia para a temporada 2009 - 2010, que se inclúen como Anexos e nos que se detallan os requisitos específicos que deben reunir as persoas solicitantes.

**Ten a consideración de deporte de “carácter individual” todos aqueles deportes que, segundo a súa regulamentación, son practicados por un ou por dous deportistas máximos.**

As bolsas - reguladas nas presentes bases - concederanse en réxime de concorrencia competitiva e baixo os principios de publicidade, obxectividade, transparencia, igualdade, non discriminación, eficacia e eficiencia-, terán como obxecto o de apoiar a práctica e o rendemento deportivo, tanto en relación ao perfeccionamento técnico e a obtención de maior rendemento nas respectivas modalidades deportivas, como na de posibilitar a súa participación en eventos deportivos, facilitándolles aos deportistas da provincia o acceso a unha preparación integral axeitada.

**Establécense catro grupos de beneficiarios, segundo a idade dos aspirantes ás bolsas:**

- **Grupo A.-** De 14 a 16 anos (cumpridos antes do 31 de decembro do 2010). Para esta categoría ou grupo destinaranse 15.000 euros do Orzamento total da convocatoria.
- **Grupo B.-** De 17 a 18 anos (cumpridos antes do 31 de decembro do 2010). Para esta categoría ou grupo destinaranse 20.000 euros
- **Grupo C.-** Maiores de 18 anos. Para esta categoría ou grupo destinaranse 15.000 euros
- **Grupo D. Axudas extraordinarias:** Este grupo constitúe o primeiro paso para acceder ás axudas, e sérvelles de acollida a aqueles deportistas que, pola súa xuventude teñen un futuro prometedor, ou que practiquen disciplinas deportivas de federacións minoritarias en expansión, ou sendo bolseiros en anteriores edicións baixaran o seu rendemento deportivo, por exemplo por mor dunha lesión ou enfermidade.
  - Para esta categoría ou grupo destinaranse 10.000 euros.

● Naquelas especialidades deportivas nas que o máximo rendemento se pode producir en idades temperás (ximnasia artística, natación,...) poderase pasar un bolseiro dun grupo a outro, segundo o criterio do tribunal cualificador. Asemade poderase traspasar orzamento dun grupo a outro, se non houberse demanda suficiente en algún dos grupos ou categorías.

- As bolsas terán un importe máximo de 2.000 euros cada unha delas.

**Exclúense da presente convocatoria os cursos dirixidos á obtención de títulos académicos ou deportivos.**

#### **SEGUNDO.- DURACIÓN E CONTÍA.**

As bolsas, adxudicadas en función dos méritos deportivos acadados no ano 2009, terán como fundamento a promoción, o fomento e maila continuidade da práctica deportiva.

A dotación orzamentaria total da presente convocatoria é de 60.000 euros con cargo aos Orzamentos Xerais da Deputación de Lugo para o ano 2010, habilitándose o crédito axeitado e suficiente na aplicación orzamentaria 3410/481, segundo se recolle no Plan Estratégico dentro da liña B.4, apartado A) da Área de Cultura.

O Orzamento previsto repartirase do seguinte xeito:

- Dotación para Grupo A: 15.000 euros
- Dotación para Grupo B: 20.000 euros.
- Dotación para Grupo C: 15.000 euros.
- Dotación para grupo D: 10.000 euros.

O importe das bolsas non excederá, en ningún caso, a cantidade de 2.000 euros (2.000 €) para cada unha das bolsas convocadas e poderán concederse subvencións de diferente contía, en función dos méritos, categoría dos deportistas solicitantes e do número de solicitantes. Non obstante, a Comisión de Valoración Técnica poderá propoñer transferir o importe da dotación económica dos grupos en función do número de solicitudes.

**Estas bolsas non serán compatibles con outras axudas públicas da Deputación de Lugo para a mesma finalidade.**

### **TERCEIRO.- SOLICITANTES, REQUISITOS XERAIS.**

Poderán participar nesta convocatoria os/as deportistas da provincia que reúnan os seguintes requisitos:

**3.1.-** Ter residencia en calquera dos municipios da provincia no momento da convocatoria.

**3.2.-** Dispoñer de licenza deportiva vixente no momento da convocatoria expedida pola Federación Galega Deportiva correspondente, e pertencer a un club galego nos últimos 2 anos.

**3.3.-** Acreditar nivel deportivo na modalidade practicada e ter proxección nas previsións de futuro.

**3.4.-** As demais establecidas no artigo 13 da Lei Xeral de Subvencións, e aplicables no presente caso.

#### **3.5.- Protección de datos de carácter persoal**

A presentación das solicitudes supón a aceptación incondicional das presentes bases e das condicións, requisitos e obrigas contidas nestas.

A concorrencia ao proceso de concesión de subvencións implicará a manifestación tácita do consentimento inequívoco ao tratamento de datos de carácter persoal e a súa publicación dacordo co previsto na Lei Orgánica 15/99 de 13 de decembro, de Protección de Datos de carácter persoal. A finalidade da recollida e tratamento dos datos persoais será estritamente á xestión e tramitación do expediente correspondente.

### **CUARTO.- DOCUMENTACIÓN.**

As solicitudes presentaranse no modelo normalizado que pode obterse na Área de Cultura e Deporte da Deputación de Lugo.

**4.1.- Fotocopia do D.N.I.**

**4.2.- Certificado de empadramento** en calquera concello da provincia de Lugo.

**4.3.- Declaración xurada das subvencións ou axudas solicitadas ou percibidas polo solicitante por parte doutras entidades públicas ou privadas** (nacionais ou estranxeiras) para o financiamento da actividade para a que se solicita a subvención.

**4.4.- Declaración responsable de non estar incurso en prohibición para obter a condición de beneficiario da subvención conforme ao disposto no artigo 13 da Lei Xeral de Subvencións.**

**4.5.- Certificación de estar ó corrente das obrigas coa Axencia tributaria estatal e coa Facenda Autonómica, e certificación de estar ao corrente das obrigas coa seguridade social.**

**4.6.-** A unidade administrativa recadará de oficio da Tesouraría Provincial a información de atoparse ao corrente nas obrigas tributarias.

**4.7.- No caso de haber sido beneficiario de subvencións anteriores, declaración responsable de acreditar o cumprimento das obrigacións inherentes ás mesmas.**

**4.8.- Certificado de conta bancaria na que necesariamente figurará o solicitante.**

**4.9.- Fotocopia da licenza federativa en vigor**, que deberá estar vixente desde o 1 de xaneiro de 2010 ata a data de publicación desta orde.

**4.10.- Historial deportivo obtido durante o ano 2009.** Excepcionalmente poderase valorar outros logros de anos anteriores (2007 – 2008), para o caso de competicións que se convoquen cunha periodicidade de dous ou máis anos. Farase constar as participacións e os resultados máis importantes obtidos en competicións provinciais, autonómicas, nacionais ou internacionais, con especificación de datas, lugar e nivel de competición no certificado federativo. *Este historial haberá de vir dilixenciado co visto e prace da Federación deportiva correspondente en documento orixinal.*

**4.11.- As competicións non organizadas polas federacións deportivas deberán ser recoñecidas** expresamente pola Federación Galega ou Estatal correspondente, **a través de certificación orixinal.**

**4.12.- Proxecto deportivo para a temporada 2009 – 2010.**

**4.13.-** Se é o caso, certificación que acredite a inclusión no programa preolímpico da Federación Española correspondente ou Consello Superior de Deportes.

**4.14.-** Serán causas de exclusión a demostración da falsidade documental, a non correspondencia dos orixinais e a incorrección na documentación presentada.

**QUINTA.- PRESENTACIÓN DAS SOLICITUDES E PRAZO**

**5.1.-** As solicitudes, xunto coa documentación adicional requirida, presentaranse conforme o modelo oficial que figura no Anexo I, debendo ser dirixidas ao Presidente da Deputación de Lugo, presentándoas no Rexistro Xeral da Deputación Provincial de Lugo ou ben a través dos medios establecidos no artigo 38.4 da Lei 30/92, de 26 de novembro, de Réxime Xurídico e Procedemento Administrativo Común, no **prazo dun MES**, contado a partir do día seguinte ao da publicación deste anuncio no Boletín Oficial da Provincia. O modelo de solicitude estará a dispor dos interesados na Área de Cultura e Deporte da Deputación de Lugo, e tamén na páxina Web da Deputación de Lugo (Vicepresidencia Primeira- Área de Cultura e Deporte).

**5.2.-** Entregarase unha solicitude por cada bolsa.

**SEXTA.- PROCEDEMENTO**

Recibida a solicitude no Rexistro Xeral da Excma. Deputación Provincial de Lugo, remitiráselle á Área de Cultura e Deporte, dependente da Vicepresidencia 1ª. quen procederá en función do obxecto e finalidade da bolsa solicitada. Os servizos técnicos da Área de Cultura e Deporte revisarán as solicitudes e maila documentación presentada.

**6.1.-** No caso de estar incompleta, conter erros ou non achegar toda a documentación requirida, poderase reclamar aos solicitantes que enmenden os defectos apreciados, de conformidade ao artigo 71 da Lei 30/92 do 26 de novembro, de Réxime Xurídico das Administracións Públicas e Procedemento Administrativo Común, outorgándoseles un **prazo de dez días hábiles**, dende a notificación do requirimento, con indicación de que se transcorridos estes días sen a devandita enmenda, procederase ao arquivo do mesmo.

**6.2.-** A avaliación das solicitudes realizarase por unha **Comisión de Valoración Técnica** constituída para o efecto, e que terá a seguinte composición:

- Presidente/a: A Xefa do Servizo de Cultura e Deporte.
- Vocais: 2 técnicos/as da Área de Cultura e Deporte da Deputación de Lugo nomeados polo Vicepresidente Primeiro.
- Secretario: O Secretario Xeral da Deputación ou persoa en quen delegue.

O Vicepresidente Primeiro da Deputación de Lugo propondrá a concesión das bolsas ao órgano competente, quen resolverá. Posteriormente, a resolución será debidamente notificada ás persoas solicitantes.

**6.3.-** O prazo máximo para resolver e notificar a resolución será de seis meses, contados a partir do día seguinte o da publicación no Boletín Oficial da Provincia. Transcorrido dito prazo sen que se adopte resolución expresa, poderase entender desestimada.

**6.4.-** Non se poderá conceder máis dunha bolsa por solicitante.

#### **SÉTIMA.- RESOLUCIÓN, PUBLICIDADE E RECURSOS**

A resolución que poña fin ao procedemento deberá expresar a relación de solicitantes aos que se lle concedan as bolsas convocadas, podendo designar ademais os adxudicatarios suplentes, en orde de prioridade, e maila relación de solicitudes desestimadas – se fose o caso – segundo se establece no artigo 25 da Lei Xeral de Subvencións.

A resolución da adxudicación pon fin á vía administrativo, de acordo co artigo 109 da Lei 30/92 de 26 de novembro, e contra esta cabe interpoñer recurso de reposición no prazo dun mes desde a notificación ante o mesmo órgano ou ben alternativamente, recurso contencioso administrativo no prazo de dous meses, contados dende o día seguinte a publicación referida, perante o Xulgado Contencioso Administrativo de Lugo.

- Poderase declarar deserta a convocatoria se a Comisión de Valoración Técnica considera que ningún dos candidatos/as resulta idóneo/a.

A resolución do procedemento non se fará pública (dada a excepcionalidade que estas bolsas presentan), de acordo co disposto no punto 3, apartado c) e apartado d) do artigo 18 da Lei Xeral de Subvencións.

Transcorrido o período de desfrute da bolsa, as persoas non seleccionadas poderán solicitar a devolución da documentación achegada. Transcorrido o prazo dun ano, procederase, en todo caso, á eliminación da documentación non recollida.

#### **NOVENO.- ACEPTACIÓN DAS BOLSAS**

***No prazo de dez (10) días naturais seguintes ao da publicación da resolución, os beneficiarios das bolsas deberán comunicar, por escrito, á Área de Cultura e Deporte da Deputación de Lugo a súa aceptación.***

Se transcorrido ese prazo non se fixese manifestación expresa en ningún sentido, entenderase como renuncia á bolsa, procedéndose automaticamente á adxudicación da axuda ao seguinte aspirante en puntuación.

#### **DÉCIMO.- CONCESIÓN DAS BOLSAS.**

A Comisión de Valoración Técnica formularalle a proposta de selección dos bolseiros ao órgano competente, quen resolverá sobre a concesión das mesmas, sendo debidamente notificadas ás persoas solicitantes.

Do mesmo xeito, a Comisión de Valoración Técnica poderá nomear os suplentes que considere oportuno, establecendo unha orde de prioridade. Os suplentes accederán á bolsa unicamente no caso de existir renuncia - expresa ou tácita - a bolsa, ou incumprimento das bases por parte do titular beneficiario.

##### **10.1.- Criterios de valoración:**

**a.- Historial deportivo.** Asignaráselle ao deportista a puntuación correspondente ao resultado do maior nivel que obtivera no ano 2009 obtida en campionato oficial, ou campionato recoñecido pola federación deportiva correspondente. Excepcionalmente valoraranse os resultados deportivos conseguidos en anos anteriores (2008 – 2009) cando se dea a circunstancia de que ditas competicións se convoquen cunha periodicidade de dous ou máis anos (períodos olímpicos,...), conforme ao baremo seguinte:

**GRUPO 1:** Ata 30 puntos. Estará integrado polos deportistas que cumpren algún dos requisitos seguintes:

- Clasificación nos Xogos Olímpicos ou Campionatos do Mundo Absolutos, ata o rango 10.
- Clasificación en Campionatos de Europa Absolutos, ata o rango 8.
- Figurar na clasificación mundial oficial.

**GRUPO 2:** Ata 20 puntos. Estará integrado polos deportistas que cumpren algún dos requisitos seguintes:

- Clasificación nos Xogos Olímpicos ou Campionatos do Mundo Absolutos, ata o rango 18.
- Clasificación en Campionatos de Europa Absolutos, ata o rango 15.

**GRUPO 3:** Ata 15 puntos. Estará integrado polos deportistas que cumpren algún dos requisitos seguintes:

- Clasificados entre os 6 primeiros no Campionato de España individual.
- Medallista nos Campionatos de España individual.
- Medallista nos Campionatos de España na categoría inferior a sénior na modalidade deportiva individual ou combate e que foran internacionais na súa categoría de idade ou superiores.

**GRUPO 4:** Ata 10 puntos. Estará integrado polos deportistas que cumpren algún dos requisitos seguintes:

- Medallista nos Campionatos do Mundo, Europa, categoría inferior a sénior na modalidade deportiva individual ou de combate.

**GRUPO 5:** Ata 5 puntos. Estará integrado polos deportistas que cumpren algún dos requisitos seguintes:

- Medallista en Campionatos autonómicos, Campionatos universitarios e outros a valorar polo tribunal avaliador.

**b.- Proxecto deportivo.** O interese do proxecto presentado, a proxección de futuro do deportista e a súa progresión: 10 puntos.

**c.- Outros méritos.** O tribunal avaliador poderá valorar outros méritos, segundo a documentación presentada polo solicitante. Ata 10 puntos.

Entre estes méritos atópanse:

**1.-** A pertenza do deportista a un club da provincia de Lugo, con alomenos unha antigüidade dende o 1 de xaneiro do 2009, ou a especial dificultade ou dureza na consecución dalgunha das probas deportivas.

**2.-** Valorarase como mérito, o expediente académico de cada un dos aspirantes, tendo en conta o seu rendemento óptimo nos estudos que lle correspondan por idade.

**3.-** Valorarase como mérito, o empadramento en núcleos ou en entidades de poboación dispersas e pouco poboadas.

**4.-** Valorarase como mérito, o estar integrado nun grupo de investigación para o desenvolvemento do deporte. Neste caso débese achegar unha memoria do proxecto ou proxectos de investigación nos que estean a traballar ou traballasen.

**10.2.- A Comisión de Valoración Técnica** poderá nomealos suplentes que considere oportuno, establecendo unha orde de prioridade. Estes suplentes accederán ás bolsas unicamente no caso de existir algunha renuncia – expresa ou tácita - ou incumprimento das bases por parte dos titulares.

**10.3.- A resolución** A resolución do procedemento non se fará pública (dada a excepcionalidade que estas bolsas presentan), de acordo co disposto no punto 3, apartado c) e apartado d) do artigo 18 da Lei Xeral de Subvencións.

#### **DÉCIMO PRIMEIRA.- XUSTIFICACIÓN E PAGAMENTO DAS SUBVENCÍONS.**

Aos adxudicatarios poderáselles requirir a documentación necesaria para proceder ao pagamento da devandita bolsa. Asemade, estarán obrigados a facilitar toda a información que lles sexa requirida polos órganos competentes - de conformidade coa lexislación aplicable - no exercicio das funcións de fiscalización e control do destino das axudas.

**O pagamento das subvencións levarase a cabo nun só pago, unha vez que o órgano correspondente aprobe o seu aboamento.** O pago farase previa proposta efectuada polo Deputado Delegado da Área competente, e tras o Informe do Xefe do Servizo onde se fará constar a existencia e custodia dentro da Unidade administrativa dos seguintes documentos:

- **Declaración xurada das subvencións ou axudas solicitadas ou percibidas polo solicitante por parte doutras entidades públicas ou privadas** (nacionais ou estranxeiras) para o financiamento da actividade para a que se solicita a subvención.

- **Declaración responsable de non estar incurso en prohibición para obter a condición de beneficiario da subvención conforme ao disposto no artigo 13 da Lei Xeral de Subvencións.**

- **Certificación de estar ó corrente das obrigas coa Axencia tributaria estatal e coa Facenda Autonómica.**

- **Certificación de estar ao corrente das obrigas coa Seguridade Social.** A unidade administrativa recadará de oficio da Tesouraría Provincial a información de atoparse ao corrente nas obrigas tributarias.

- **Certificado de conta bancaria na que necesariamente figurará o solicitante.**

- **Fotocopia da licenza federativa en vigor**, que deberá estar vixente dende o 1 de xaneiro de 2010 ata a data de publicación desta orde.

- **Historial deportivo obtido durante o ano 2009**, segundo se recolle no apartado 4.10 das bases, e proxecto deportivo previsto para o ano 2010.

■ **Non existirá a posibilidade de efectuar pagamentos anticipados e aboamentos a conta da bolsa concedida.**

#### **DÉCIMO SEGUNDA.- OBRIGAS DOS BOLSEIROS.**

- Os beneficiarios ou beneficiarias están obrigados a facilitar a información que lles sexa requirida pola Intervención Xeral da Deputación de Lugo, o Tribunal de Contas e o Consello de Contas, no exercicio das funcións de fiscalización e control de destino das bolsas.

**12.a.-** Cumprir todas as normas establecidas nos apartados anteriores.

**12.b.-** Participar nas probas ou encontros deportivos correspondentes á súa modalidade e categoría deportiva durante a temporada 2010.

**12.c.-** Publicitar a súa condición de bolseiro /a da Deputación de Lugo nas competicións e actividades deportivas nas que participe.

#### **DÉCIMO TERCEIRA.- RENUNCIA, REVOGACIÓN E REINTEGRO DE CANTIDADES**

- A renuncia á bolsa por parte do beneficiario, unha vez iniciado o goce desta, deberá ser comunicada mediante o correspondente escrito ao Vicepresidente Primeiro da Deputación de Lugo, polo menos con sete días de antelación á data na que se solicite sexa aceptada a súa renuncia. A renuncia dará lugar á

devolución das cantidades percibidas, se procede, e determinará a perda dos dereitos económicos da parte da beca non gozada.

- O persoal técnico e facultativo que coordine esta convocatoria de bolsas poderá propoñer ao órgano competente da Deputación de Lugo a revogación das mesmas por falta de dedicación ou incumprimento das condicións sinaladas, con base en informe debidamente motivado, podendo anular os beneficios concedidos e solicitar a devolución das cantidades percibidas, se as houbera, no prazo que establece o Regulamento Xeral de Recadación.
- A adxudicación das bolsas será igualmente revogada total ou parcialmente no caso de que se comprobase que na súa concesión concorreu ocultación, falsidade de datos, ou que existen incompatibilidades con outros beneficios desta clase procedentes doutras persoas físicas ou xurídicas.
- A solicitude das bolsas implica o coñecemento e aceptación do disposto nestas bases.

## **DISPOSICIÓNS ADICIONAIS.**

### **I.- Financiamento.**

As bolsas convocaranse con cargo á aplicación orzamentaria 3410/481, segundo se recolle no Plan Estratéxico dentro da liña B.4, apartado A) da Área de Cultura.

### **II.- Réxime Xurídico.**

- a) Para todos aqueles extremos non previstos nestas bases, aplicarase a Lei 38/2003 de 17 de novembro, Xeral de Subvencións, e supletoriamente a Lei 30/92 de 26 de novembro, do Réxime Xurídico das Administracións Públicas e do Procedemento Administrativo Común; o R.D. 887/06, de 21 de xullo polo que se aproba o Regulamento de Subvencións; a Lei 9/2007, de 13 de xuño, de Subvencións de Galicia; A Ordenanza xeral de subvencións da Excm. Deputación Provincial de Lugo, aprobada por acordo do Pleno de data 28 de febreiro de 2005; o Regulamento Orgánico da Deputación; as Bases de execución do orzamento e a normativa sobre delegación de competencias e atribucións dos órganos de goberno da Deputación vixentes no momento da concesión, así como a demais normativa vixente que resulte de aplicación.

### **III.- Recursos.**

Ante a resolución que pon fin á vía administrativa, poderá interpoñerse recurso de reposición no prazo dun mes contado a partir do seguinte á publicación no Boletín Oficial da Provincia, perante o mesmo órgano que adoptou a devandita resolución, ou ben, interpor directamente recurso contencioso administrativo no prazo de dous meses - a contar dende o seguinte a publicación referida- perante o Xulgado Contencioso Administrativo de Lugo.

## **DISPOSICIÓNS DERRADEIRAS.**

Autorízase ao órgano competente da Deputación de Lugo para ditar, no ámbito das súas competencias, ás resolucións precisas para o desenvolvemento destas bases e o inicio da correspondente convocatoria.

As disposicións aquí contidas entrarán en vigor o día seguinte ao da súa publicación no Boletín Oficial da Provincia de Lugo.

Lugo, 7 de maio de 2010.-

O Presidente,

José Ramón Gómez Besteiro

O Secretario,

Faustino Martínez Fernández